



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01- /19
Datum: 2019. godine

PRIJEDLOG

Na osnovu člana 14. Statuta Općine Tešanj („Službeni glasnik Općine Tešanj“ broj: 11/07), člana 21. stav 6. Odluke o izvršavanju budžeta Općine Tešanj za 2019. godinu („Službeni glasnik Općine Tešanj“ broj: 10/18), Općinsko vijeće Tešanj na svojoj 27. sjednici održanoj dana ____ 2019. godine, d o n o s i

O D L U K U
o usvajanju Programa novčanih podsticaja
za unapređenje primarne poljoprivredne proizvodnje
na području općine Tešanj u 2019. godini

Član 1.

Ovom Odlukom usvaja se Program novčanih podsticaja za unapređenje primarne poljoprivredne proizvodnje na području općine Tešanj u 2019. godini.

Član 2.

Program iz člana 1. ove Odluke sastavni je dio ove Odluke.

Član 3.

Za realizaciju Programa iz člana 1. ove Odluke, zadužuje se Općinski načelnik i nadležna općinska Služba, u skladu sa odredbama Odluke o izvršavanju budžeta Općine Tešanj za 2019. godinu.

Član 4.

Ova Odluka stupa na snagu narednog dana od dana objavljivanja u „Službenom glasniku Općine Tešanj“.

PREDSJEDAVAJUĆI VIJEĆA

Senad Subašić dipl.oec.

Obrazloženje:

PRAVNI OSNOV:

Pravni osnov za donošenje ove Odluke sadržan je u članu 21. stav 6. Odluke o izvršavanju budžeta Općine Tešanj za 2019. godinu („Službeni glasnik Općine Tešanj“ broj: 10/18) kojom je definisan način utroška planiranih sredstava i Budžetu Općine Tešanj za 2019. godinu („Službeni glasnik Općine Tešanj“ broj: 10/18) u kome je definisana visina sredstava za ove namjene.

RAZLOZI ZA DONOŠENJE ODLUKE:

U budžetu Općine Tešanj su planirana sredstva na poziciji „Grantovi za razvoj poljoprivrede“ u ukupnoj visini od 350.000,00 KM. Član 21. stav 6. Odluke o izvršavanju budžeta Općine Tešanj za 2019. godinu („Službeni glasnik Općine Tešanj“ broj: 10/18) definiše da se sredstva na poziciji „Grantovi za razvoj poljoprivrede“ raspoređuju finansiranjem Programa novčanih podsticaja za unapređenje primarne poljoprivredne proizvodnje koji svojom odlukom usvaja Općinsko vijeće.

Nadležna općinska Služba je na bazi rezultata učinka općinskih poticaja na razvoj poljoprivrede, broja korisnika općinskih novčanih poticaja, dosadašnjih iskustava kroz realizaciju Programa novčanih podsticaja kao i sugestija iznijetih na Javnoj raspravi održanoj dana 05.03.2019. godine izvršila pripremu Programa poticaja.

U prijedlogu Programa zadržani su vidovi poticaja iz prethodne godine, uz određene korekcije iznosa novčanih poticaja, tako da je obzirom na smanjenje ukupnih površina pod malinom i broj gazdinstava koja su zadržala svoje zasade, predloženo povećanje iznosa poticaja za jagodičasto voće na 0,25 KM/kg. Obzirom na strateški cilj i opredjeljenost Općine ka proizvodnji za otkup, predlaže se i povećanje poticaja proizvodnji povrća za otkup na iznos 15% vrijednosti predate količine povrća otkupljivaču.

Program se dostavlja u formi prijedloga i stoga se predlaže donošenje ove Odluke kako bi se blagovremeno pristupilo realizaciji planiranih aktivnosti u 2019. godini.

OBRADIVAČ:

Služba za finansije, privredu, komunalne i
inspeksijske poslove

Hamzalija Hojkurić dipl.ecc



PREDLAGAČ:

OPĆINSKI NAČELNIK

Mr. sci. Suad Huskić



Broj: 02-02-1-548/19

Datum: 18.03.2019. godine



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK
Služba za finansije, privredu, komunalne i inspeksijske poslove

Broj: 04-02-1-548-2/19

Datum: 11.03.2019.godine

Predmet: Zapisnik sa javne rasprave

Prijedlog poticaja u poljoprivrednoj proizvodnji za 2019. godinu do konačnog usvajanja upućen je na javnu raspravu. Javna rasprava održana je dana 05.03.2019. godine (utorak) u 11,00 sati u sali Općinskog vijeća.

Na raspravi su aktivno učestvovali:

- Hamzalija Hojkurić, predstavnik ispred Općine Tešanj,
 - Selma Numić, pripravnik-zapisničar,
 - Hasan Plančić, član komisije za praćenje poticaja,
 - Mahmo Husibegović, pčelar,
 - Mustafa Trepčić, poljoprivrednik,
 - Hamdo Vejsić, stočarstvo,
 - Senad Hatkić, Opća poljoprivredna zadruga "Kapi Života"
 - Edib Balić, voćar,
 - Salko Mudrov,
 - Ramiz Ćorić,
- te ostali prisutni.

Hamzalija Hojkurić se obratio prisutnima ispred Općine Tešanj, pozdravio prisutne, te ih ukratko upoznao o temi sastanka. Upoznao je prisutne sa Programom novčanih poticaja za 2019. godinu. U svom izlaganju dao je osvrt na broj ostvarenih poticaja predhodnih godina za poljoprivredne djelatnosti poput proizvodnje mlijeka, plasteničke proizvodnje, proizvodnje kornišona, pčelarstva i dr. Također je dao informaciju o mogućem zakupu državnog zemljišta kako bi se na taj način unaprijedilo stočarstvo i ratarstvo. Informisao je prisutne da veliku podršku u poljoprivrednoj proizvodnji daju IFAD i UNDP, te da se spomenuti Program usvaja u mjesecu martu.

Mahmo Husibegović pomenuo je nedavno usvojeni Pravilnik o pčelarstvu, te je pohvalio uvođenje registra koji vodi Općina. Smatra da će Pravilnik mnogo pomoći pčelarima i zaštititi njihove košnice. Pozvao je sve poljoprivrednike da aktivno učestvuju na sajmovima, da se poveća sadržaj sajmova i posjećenost. Smatra da sajmovi mogu pomoći proizvođačima da plasiraju svoje proizvode, također da podstaknu proizvodnju domaćih proizvoda. Obzirom na problem bolesnih pčela sa kojim se susreću brojni pčelari, apelovao je na značaj obavljanja veterinarskih pregleda, te smatra da bi oni trebali biti jedan od uslova za dobijanje poticaja.

Stav Službe: Za poticaj pčelarstvu za jedan od kriterija prihvatljiv je dokaz o obavljenom kliničkom pregledu pčelinjih društava, dok podrška organizaciji sajma neće izostati ni ove godine.

Mustafa Trepčić govorio je o plasteničkoj proizvodnji, smatra da je organizovan veliki broj edukacija koje su veoma značajne za poljoprivrednike, ali da je zainteresovanost za takve edukacije veoma mala. Predlaže da se poljoprivrednici uslove obaveznim prisustvom na bar dvije edukacije vezane za poljoprivrednu djelatnost kojom se bave kako bi se spriječile određene pojave koje štete onima koji se bave pčelarstvom. Predlaže da Općina izdvoji dodatna sredstva kako bi podstakla prodaju domaćih proizvoda poput voća i povrća na našem prostoru.

Stav Službe: Prisustvo edukaciji nije prihvatljiv kriterij za ostvarivanje poticaja. Potiče se proizvodnja voća i povrća za otkup, a prodaja putem tezge ili na gazdinstvu je izbor samog proizvođača.

Hamdo Vejsić smatra da se ne treba ukidati poticaj za tov junadi, te da granicu limita treba povećati na 2.500 KM kako bi se unaprijedilo stočarstvo. Također smatra da se treba napraviti određena razlika između fizičkih i pravnih lica u smislu uslova za Program poticaja.

Stav Službe: Limit koji se može ostvariti u 2018. povećan je sa 2.000 na 2.200 KM i za ovu godinu bi ostao isti. Registrovana fizička i pravna lica ostvaruju veće federalne poticaje u odnosu na ostale proizvođače, a određene poticaje ostvaruju i sa nivoa kantona po osnovu registrovane djelatnosti. Za federalni poticaj prijedlog je da se ove godine izbací „dokaz o prodatim tovnim grlima“ što je predstavljalo poteškoću za ostvarivanje federalnog poticaja.

Senad Hatkić, direktor Poljoprivredne zadruge, smatra da izdvojena sredstva za poticaje u poljoprivrednoj proizvodnji nisu dovoljna za unapređivanje. Govorio je o mogućoj poticajnoj mjeri uzgoja priplodnih grla za unapređivanje proizvodnje. Također je naveo da je jedan od problema to što ne postoji prerađivačka industrija za proizvodnju mlijeka na našem prostoru, i da na neki način otežava proizvodnju.

Stav Službe: Od ukupnih sredstava koja se izdvoje za poticaj poljoprivredi, najveći dio se odnosi na poticaj proizvodnji mlijeka. Uzgoj priplodnih grla i postojanje mljekare na našem prostoru su odluke privatnog sektora.

Edib Balić se zahvalio Općini na poduzetim mjerama i poticajima. Kao prijedlog je istakao potrebu osnivanja poljoprivrednog razvojnog fonda za praćenje projekata koji su prošli. Također je istakao da je bitno uticati na svijest poljoprivrednika za zaštitu pčelarstva, te da mora postojati saradnja poljoprivrednika. Smatra da ne treba ukidanje poticaja za proizvodnje na otvorenom.

Stav Službe: Proizvodnja na otvorenom je značajna u smislu ponude za lokalno stanovništvo, mada zbog usitnjenih posjeda nema intenzivne proizvodnje i uglavnom je u stagnaciji zadnje dvije godine. Sredstva za praćenje projekata koji su prošli neke aplikacije postoje kao poticaj na višim nivoima.

Salko Mudrov i Ramiz Ćorić su također prisustvovali raspravi, mlade osobe koji su se opredijelili za tov junadi, te planiraju širenje proizvodnje.

Stav Službe: uvećanje osnovnog podsticaja za mlade za dodatnih 30% i dalje će biti zadržan uz uslov da im je to osnovno zanimanje.

Hasan Plančić, kao član komisije za praćenje poticaja u nekoliko zadnjih godina, dao je nekoliko sugestija nakon rasprave:

- pokušati povećati poticaj na plasteničku proizvodnju i proizvodnju povrća za otkup, jer se smanjuje u odnosu na proizvodnju mlijeka,
- kod otkupa voća razdvojiti jagodičasto od ostalog, u korist jagodičastog,
- potvrdu o veterinarskom pregledu pčelinjaka treba tražiti udruženje kod izdavanja potvrde o broju društava.

Stav Službe: Povećanje poticaja proizvodnji povrća je prihvatljiv prijedlog i biće razmatran prilikom pripreme prijedloga Programa poticaja. Nije prihvatljiv prijedlog da udruženje traži potvrdu o veterinarskom pregledu pčelinjaka.

Rasprava je završena u 12:30 sati.



POMOĆNIK OPĆINSKOG NAČELNIKA

Hamzalija Hojkurić, dipl. ecc.



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK

PROGRAM

NOVČANIH PODSTICAJA ZA UNAPREĐENJE PRIMARNE
POLJOPRIVREDNE PROIZVODNJE U 2019. GODINI

Mart 2019. godine

SADRŽAJ:

1. UVOD

2. OPŠTE ODREDBE

3. STRUKTURA PROGRAMA POTICAJA

3.1. PROIZVODNJA U PLASTENICIMA/STAKLENICIMA ZA PORODIČNA
POLJOPRIVREDNA GAZDINSTVA

3.2. PROIZVODNJA POVRĆA I LJEKOBILJA NA OTVORENOM

3.3. PROIZVODNJA POVRĆA ZA OTKUP

3.4. PROIZVODNJA VOĆA ZA OTKUP

3.5. PROIZVODNJA MLIJEKA

3.6. TOV JUNADI

3.7. PČELARSTVO

4. ODRŽIVOST I UTICAJ NA RAZVOJ OPĆINE

1. UVOD

Programom novčanih podsticaja za unapređenje primarne poljoprivredne proizvodnje, Općina Tešanj namjerava osnažiti poljoprivredne proizvođače i učvrstiti lanac koji povezuje proizvodnju, preradu i plasman poljoprivrednih proizvoda. Pored ovog cilja postoje i drugi specifični ciljevi Programa podsticaja:

- stvaranje porodičnih gazdinstava,
- stvaranje tržišno orjentisanih proizvođača,
- intenziviranje postojeće poljoprivredne proizvodnje,
- povećanje obradivih površina,
- smanjenje stope nezaposlenosti ,ruralni razvoj i dr.

Na osnovu člana 21.stav 6. Odluke o izvršavanju budžeta za 2019. godinu, pristupilo se izradi Programa pri čemu su uzeti u obzir pokazatelji koji utiču na poljoprivrednu proizvodnju kao i rezultati Analize uticaja općinskih poticaja na razvoj poljoprivrede. Nakon usvajanja Programa podsticaja Služba za finansije, privredu, komunalne i inspeksijske poslove će putem općinskih ureda, mjesnih zajednica i sredstava javnog informisanja, obavijestiti poljoprivrednike o podsticajnim mjerama, kao i o kriterijima koji moraju biti ispunjeni da bi podsticajna sredstva bila odobrena.

2. OPŠTE ODREDBE

Program podsticaja podrazumijeva jednokratne isplate a za realizaciju navedenog Programa obezbjeđena su budžetom za 2019. godinu sredstva u visini od 350.000 KM.

Program utroška sredstava za podsticaj:

94% sredstava za novčani podsticaj poljoprivrednoj proizvodnji (biljna i animalna),

6% sredstava za utvrđivanje ispunjenosti kriterija i činjeničnog stanja na terenu za općinski podsticaj, troškove edukacije poljoprivrednih proizvođača (emisije, predavanja, sajamske posjete i dr.) ili aktivnosti u svrhu unapređenja poljoprivredne proizvodnje.

Maksimalan iznos podsticaja koji može dobiti jedan podnosilac zahtjeva po osnovu jednog ili više vidova podsticaja je 2.200,00 KM.

U slučaju da podneseni zahtjevi znatno premašuju za ove svrhe planirana sredstva, visina podsticaja može biti i manja, zavisno od broja odobrenih zahtjeva.

Pravo na dobijanje podsticajnih sredstava u skladu sa Programom mogu ostvariti slijedeći korisnici:

1. porodična poljoprivredna gazdinstva i fizička lica-obrtnici, sa područja Općine Tešanj, upisana u Registar poljoprivrednih gazdinstava i klijenata (RPG), i koja ostvaruju poljoprivrednu proizvodnju na području općine Tešanj,
2. koji blagovremeno, u roku propisanom Programom podnesu zahtjev za poticaj sa potrebnom dokumentacijom i ispune sve propisane kriterije,
3. nosilac poljoprivrednog gazdinstva zahtjev podnosi za jedan ili više vidova proizvodnje (za svaki vid proizvodnje podnosi poseban zahtjev) a za istu proizvodnju ne može ostvariti poticaj po dva osnova (npr. poticaj za plasteničku proizvodnju i poticaj za otkup proizvoda iz plasteničke proizvodnje, poticaj za proizvodnju na otvorenom i poticaj za otkup proizvoda iz proizvodnje na otvorenom, i sl.),
4. podsticaj za mlade poljoprivredne proizvođače u visini od 30% na odobreni podsticaj iz tačke 1. može ostvariti podnosilac zahtjeva odnosno nosilac poljoprivrednog gazdinstva ako je starosti do 35. godina i na evidenciji nezaposlenih neprekidno najmanje 5 godina.

Sa podnošenjem zahtjeva se počinje petnaest dana nakon usvajanja Programa podsticaja od strane Općinskog vijeća Tešanj i traje do rokova naznačenih za svaku vrstu poljoprivredne proizvodnje posebno. Podnošenje zahtjeva će se vršiti putem šaltera za prijem podnesaka,

gdje će podnosioci zahtjeva popuniti Prijavni list u kome će pored podataka: ime i prezime, mjesto stanovanja/prebivališta, telefon, JMB i broj tekućeg računa banke, biti tačno naznačena vrsta proizvodnje za koju se podnosi zahtjev uz koji će prilagati i ostale dokumente navedene u Programu podsticaja za svaku proizvodnju posebno a za mlade aplikante i uvjerenje da su na evidenciji nezaposlenih.

Ispunjenost kriterija u svakom pojedinačnom slučaju će utvrđivati Komisija za podsticaje imenovana od strane Općinskog načelnika, utvrđivanjem činjeničnog stanja na terenu o čemu će sastavljati zapisnike. Na osnovu zapisnika iz kojih mora biti vidljivo da li su ispunjeni svi potrebni kriteriji i izvještaja Komisija, na kraju godine sačinjava se prijedlog rješenja o isplati sa spiskom korisnika i iznosima ostvarenih poticajnih sredstava, u slučajevima gdje su svi kriteriji ispunjeni kumulativno i dostavljaju Općinskom načelniku. U slučajevima gdje je zapisnikom Komisije za podsticaje utvrđeno da podnosilac zahtjeva nije ispunio jedan ili više kriterija, taj zahtjev se ne odobrava i vrši se njegovo arhiviranje i pismeno obavještanje podnosioca zahtjeva. Ponovno podnošenje zahtjeva za istu poljoprivrednu proizvodnju neće biti razmatrano od strane Službe za finansije, privredu, komunalne i inspeksijske poslove. Isplata podsticajnih sredstava će se vršiti na tekući račun otvoren kod poslovnih banaka.

Kontrolu realizacije podsticajnih mjera i procjenu rezultata kontinuirano će vršiti Pomoćnik Općinskog načelnika iz Službe za finansije, privredu, komunalne i inspeksijske poslove Općine Tešanj s ciljem da se utvrdi dokle se došlo sa sprovođenjem zacrtanih aktivnosti i o tome po potrebi izvještavati Općinskog načelnika i Općinsko vijeće. Ukoliko se u realizaciji Programa podsticaja identifikuju podnosioci zahtjeva za podsticaje koji pokušavaju prevariti ili dovesti u zabludu Komisiju za podsticaje pružanjem netačnih podataka ti podnosioci zahtjeva će biti isključeni iz Programa podsticaja za narednih pet godina.

Pravo na podsticajna sredstva na osnovu Programa podsticaja ne mogu ostvariti članovi Komisije za podsticaje. Članovi komisije za svoj rad u Komisiji za podsticaje ostvaruju pravo na naknadu.

3.1. PROIZVODNJA U PLASTENICIMA/STAKLENICIMA ZA PORODIČNA POLJOPRIVREDNA GAZDINSTVA

Kriteriji koje mora ispuniti podnosilac zahtjeva za dobijanje novčane naknade na ime podsticaja zasnovane proizvodnje u plasteniku/stakleniku su:

- da je upisan u Registar poljoprivrednih gazdinstava kao porodično gazdinstvo
- da je vlasnik zemljišta na kojem su plastenici ili je član zajedničkog domaćinstva sa vlasnikom predmetnog zemljišta
- ukupna površina mora biti najmanje 300 m²,
- moraju biti obezbjeđeni sa sistemom za navodnjavanje i otvorima za prozračivanje,
- minimalne visine na najvišem dijelu 2m,
- mora biti zasnovana proizvodnja,
- krajnji rok za podnošenje zahtjeva za dobijanje novčane naknade na ime podsticaja je **01.09.2019.** godine.

Visina podsticaja za proizvodnju u plasteniku/stakleniku je 1,50 KM/m².

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaj, podnosilac zahtjeva će dostaviti slijedeću dokumentaciju:

- a. Kopiju katastarskog plana, ne stariju od dvije godine,
- b. Izjavu o zajedničkom domaćinstvu,
- c. Listu korištenja iz RPG,

- d. Fotokopiju kartice broja bankovnog računa.

3.2. PROIZVODNJA POVRĆA I LJEKOBILJA NA OTVORENOM

Kriteriji koje mora ispuniti podnosilac zahtjeva za novčane naknade na ime podsticaja za proizvodnju povrća na otvorenom i ljekobilja su:

- min. zasijano (zasadeno) povrće, osim bundave, je 0,5 ha, na jednoj ili max. dvije parcele, a ljekobilje min. 0,1 ha na jednoj ili max. dvije parcele,
- sjetva se obavlja u skladu sa agrrotehničkim rokovima i standardnom agrrotehnikom,
- krajnji rok za podnošenje zahtjeva za dobijanje novčane naknade na ime podsticaja je **01.09.2019.** godine.

Visina podsticaja za proizvodnju na otvorenom je 100,00 KM/dunumu.

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti slijedeću dokumentaciju:

- a. Kopiju katastarskog plana, ne stariju od dvije godine,
- b. Izjavu o zajedničkom domaćinstvu,
- c. Ugovor o zakupu zemljišta ukoliko proizvođač koristi zemljište pod zakup ili izjavu ukoliko je poljoprivredno zemljište ustupljeno bez naknade,
- d. Listu korištenja iz RPG,
- e. Fotokopiju kartice broja bankovnog računa.

3.3. PROIZVODNJA POVRĆA ZA OTKUP

Kriteriji koje mora ispuniti podnosilac zahtjeva za dobijanje novčane naknade na ime podsticaja za proizvodnju povrća za otkup su:

- da proizvede i registrovanom otkuplivaču preda najmanje dvije tone povrća (kornišona, paprika, paradajza, krompira, mrkve, luka i dr. osim bundave)
- da ima zasnovanu proizvodnju povrća na otvorenom na maksimalno dvije parcele,
- da od zasnovane proizvodnje povrća može ostvariti odgovarajući prinos, što utvrđuje komisija na zapisnik,
- zahtjevi za dobijanje novčane naknade na ime podsticaja se podnose do **01.08.2019.** godine, a krajnji rok za dopunu zahtjeva odnosno dostavu dokaza o predatoj količini povrća otkuplivaču je **01.11.2019.** godine.

Visina podsticaja za proizvedeno povrće iznosi 15% vrijednosti predate količine povrća otkuplivaču.

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti slijedeću dokumentaciju :

- a. Kopiju katastarskog plana, ne stariju od dvije godine,
- b. Izjavu o zajedničkom domaćinstvu,
- c. Ugovor o zakupu zemljišta ukoliko proizvođač koristi zemljište pod zakup ili izjavu ukoliko je poljoprivredno zemljište ustupljeno bez naknade,

- d. Ugovor o otkupu povrća sklopljen sa registrovanim otkupljivačem/prerađivačem,
- e. Račun, potvrdu ili otkupni list, odnosno ovjerene kopije istih o predatoj količini povrća registrovanom otkupljivaču.
- f. Listu korištenja iz RPG,
- g. Fotokopiju kartice broja bankovnog računa.

3.4. PROIZVODNJA VOĆA ZA OTKUP

Kriteriji koje mora ispuniti podnosilac zahtjeva za dobijanje novčane naknade na ime podsticaja za proizvodnju voća za otkup su:

- da podnosilac zahtjeva proizvede i preda registrovanom otkupljivaču/prerađivaču najmanje 700 kg jagodičastog voća, odnosno 2 tone ostalog svježeg voća,
- da ima zasnovanu proizvodnju voća odnosno voćnjak sa kojeg može ostvariti odgovarajući prinos, što utvrđuje komisija na zapisnik,
- zahtjevi za dobijanje novčane naknade na ime podsticaja se podnose do **01.08.2019.** godine, a krajnji rok za dostavu dokaza o predatoj količini voća otkupljivaču je **01.11.2019. godine.**

Visina podsticaja za jagodičasto voće je 0,25 KM/kg. a za ostale vrste voća 0,20 KM/kg.
Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti:

- a. Kopiju katastarskog plana parcele na kojoj je zasnovan voćnjak, ne stariju od dvije godine,
- b. Izjavu o zajedničkom domaćinstvu,
- c. Ugovor o zakupu zemljišta ukoliko proizvođač koristi zemljište pod zakup ili izjavu ukoliko je poljoprivredno zemljište ustupljeno bez naknade,
- d. Ugovor o otkupu voća sklopljen sa registrovanim otkupljivačem/prerađivačem,
- e. Račun, potvrdu ili otkupni list, odnosno ovjerene kopije istih o predatoj količini voća registrovanom otkupljivaču/prerađivaču,
- f. Listu korištenja iz RPG,
- g. Fotokopiju kartice broja bankovnog račun

3.5. PROIZVODNJA MLIJEKA

Kriteriji koje mora ispuniti podnosilac zahtjeva za dobijanje novčane naknade na ime podsticaja za proizvodnju mlijeka su:

- da podnosilac zahtjeva posjeduje minimalno tri muzne krave koje moraju biti obilježene ušnom markicom i sa mliječnim kartonom (utvrđuje Komisija na licu mjesta)
- da su muzne krave smještene u jednom objektu-štali
- krajnji rok za podnošenje zahtjeva za dobijanje novčane naknade na ime podsticaja je **15.09.2019. godine.**

Visina poticaja je 150,00 KM po svakoj muznoj kravi.

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti:

- a. Kopiju katastarskog plana parcele na kojoj se nalazi farma (bez obzira na uplanjenje), ne stariju od dvije godine,
- b. Izjavu o zajedničkom domaćinstvu,
- c. Kopiju ugovora o otkupu mlijeka sklopljenog sa zadrugom ili mljekarom,
- d. Listu korištenja iz RPG,
- e. Fotokopiju kartice broja bankovnog računa.

3.6. TOV JUNADI

Kriteriji koje mora ispuniti podnosilac zahtjeva za dobijanje novčane naknade na ime podsticaja za tov junadi su:

- da podnosilac zahtjeva posjeduje u tovu minimum 3 muška grla obilježena ušnom markicom,
- da grla uvedena u tov na dan podnošenja zahtjeva nisu starija od devet mjeseci,
- da grla provedu u tovu minimalno pet mjeseci,
- krajnji rok za podnošenje zahtjeva za dobijanje novčane naknade na ime podsticaja je **31.05.2019.** godine.

Visina podsticaja je 200,00 KM za tri grla, i za svako slijedeće grlo u tovu 100 KM.

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Samo jedno fizičko lice na jednoj katastarskoj čestici može podnositi zahtjeve za podsticaje za tov. Uz zahtjev za podsticaje podnosilac zahtjeva će dostaviti slijedeću dokumentaciju:

- a. Kopiju katastarskog plana parcele na kojoj se nalazi farma (bez obzira na uplanjenje), ne stariju od dvije godine,
- b. Izjavu o zajedničkom domaćinstvu,
- c. Ovjerenu izjavu sa tačnim brojem grla u tovu i brojem ušne markice za svako grlo,
- d. Kopiju pasoša za svako grlo,
- e. Listu korištenja iz RPG,
- f. Fotokopiju kartice broja bankovnog računa.

3.7. PČELARSTVO

Kriteriji koje mora ispuniti podnosilac zahtjeva za dobijanje novčane naknade na ime podsticaja za pčelarstvo su:

- da podnosilac zahtjeva posjeduje minimum 30 košnica,
- da je izvršen klinički pregled pčelinjih društava
- da registrovana Udruženja pčelara Općine Tešanj pismeno potvrde da je podnosilac zahtjeva pčelar koji svoju djelatnost obavlja na području Općine Tešanj sa tačno naznačenim brojem košnica koje posjeduje u vlasništvu,
- krajnji rok za podnošenje zahtjeva za dobijanje novčane naknade na ime podsticaja je **01.09.2019.** godine.

Visina podsticaja je 10 KM po jednoj košnici.

Visina podsticaja može biti i manja, zavisno od broja odobrenih zahtjeva.

AKTIVNOSTI I PROCEDURE

Služba će pomoći podnosiocu zahtjeva u dostavi zahtjeva Komisiji za podsticaje za svakog podnosioca zahtjeva ponaosob. Uz zahtjev za podsticaje podnosilac zahtjeva će dostaviti slijedeću dokumentaciju:

- a. Kopiju katastarskog plana parcele na kojoj se nalaze košnice, ne stariju od dvije godine,
- b. Izjavu o zajedničkom domaćinstvu,
- c. Originalnu potvrdu izdatu od strane Udruženja pčelara kojom se potvrđuje da je podnosilac zahtjeva pčelar,
- d. Potvrdu veterinarske stanice o izvršenom kliničkom pregledu pčelinjih društava
- e. Listu korištenja iz RPG,
- f. Fotokopiju kartice broja bankovnog računa.

4. ODRŽIVOST I UTICAJ NA RAZVOJ OPĆINE

Analizirajući realizaciju novčanih podsticaja za trinaest godina od kada se izdvajaju budžetska sredstva za novčani poticaj primarnoj poljoprivrednoj proizvodnji, evidentano je povećanje broja korisnika poticajnih sredstava kao i povećanje obima određenih vidova proizvodnje što jeste jedan od ciljeva Programa.

Izdvajanje bužetskih sredstava za poticaj poljoprivredi je posebno značajano za korisnike jer su isplate redovne i u vrijeme kada je potrebno na gazdinstvu obezbjediti hranu za stoku za zimski period ili pripremati se za proljećne radove.

Nadamo se da će i u ovoj godini izdvajanje budžetskih sredstava za poticaj poljoprivrednoj proizvodnji kao i prethodnih godina, dati značajnu podršku poljoprivrednim gazdinstvima da jačaju svoje proizvodne kapacitete i da kroz ostvarenu proizvodnju obezbijede prihode za članove domaćinstva.



OPĆINSKI NAČELNIK

Mr. sci. Suad Huskić

Broj: 02-02-1-548-2/19

Datum: 15.03.2019. godine